

Q. D. B. V.  
DISPUTATIO MEDICA  
INAUGURALIS,  
DE  
EXPERIMENTALI  
MEDICINA

Practica, unice vera atque probata.

QUAM,  
DUCE ET AUSPICE DEO TER OPT. MAX.  
*Ex Auctoritate Magnifici D. Rectoris,*  
HIERONYMI VAN ALPHEN,  
S. S. Theol. Doctoris & Professoris Ordinarii.

NEC NON  
*Amplissimi Senatus Academici consensu, & Nobilissima  
Facultatis MEDICÆ decreto,*  
PRO GRADU DOCTORATUS,  
Summisque in MEDICINA Honoribus & Privilegiis  
ritè ac legitimè consequendis,  
*Eruditorum Examini subicit*  
JOHANNES CONRADUS LUDOLPHUS,  
Hasso-Griftenfis.

*Ad diem 25. AUGUSTI, loco horisque solitis.*



TRAJECTI ad RHENUM,

Ex Officina GUILLIELMI vande WATER, Aca-  
demiæ Typographi. clō lo ccxvii.



V I R I S,

*Maximè & plurimum Reverendis, Præ-Nobilissimis, & Nobilissimo,  
Præ-Clarissimis & Clarissimo, nec non Doctissimis Dominis.*

Dno. CONRADO LUDOLPHO, Pastori Ecclesiæ Reichenba-  
censis optimè merito atque merenti, S. Ministerii Seniori gravis-  
simo, Avo suo Prædilectissimo, omni Observantiæ atque Reve-  
rentiæ cultu submissè venerando.

Dno. CASPARO LUDOLPHO, Conradi Filio, Diœceseos  
Liechtenavicensis Metropolitano Vigilantissimo, Ecclesiæ Ur-  
banæ Pastori Primario longè meritissimo, Patruo suo atque Me-  
cœnati filiali obsequio æternum colendo.

Dno. JOHANNI ENGELHARDO LUDOLPHO, Conradi  
Filio, Pastori apud Griftenses meritissimo, Patri suo filiali amore  
atque obsequio sempiternum venerando.

Dno. JOHANNI HENRICO NEUHOEFERO, Sereniss. Prin-  
cip. Hasso-Cassellani Præfecturæ Liechtenavicensis Quæstori Gra-  
vissimo, Fautori suo æstumatissimo.

Dno. JOHANNI HERMANNO ANTHFELDIO, Sereniss.  
Princip. Hasso-Cassellani Urbis & Præfecturæ Liechtenavicensis  
Prætori æquissimo, Amico suo dexterrimo.

Dno. CHRISTIANO GEHEBE, Sereniss. Princip. Hasso Cas-  
sell. Piscinarum Præfecto atque saltuario expertissimo, Amico suo  
Integerrimo.

*Has Studiorum suorum Primitias, in sempiternam  
filialis obsequii, Gratitude, Reverentiæ &  
Affectus Tesseram,*

D. D. D.

*Præclarissimorum atque Clarissimorum eorum Nominum  
Humillimus Cultor atque Cliens.*

JOHANNES CONRADUS LUDOLPHUS,  
Griftensis Hassus.





DISPUTATIO MEDICA

INAUGURALIS,

DE

# Experimentalis Medicina

Practica, unicè vera atque probata.

In nomine S. Sanctæ Trinitatis,  
Amen.

## PRÆLOQUIUM.



um in publico edendo specimine ingenii vires experturo, non in alieno, sed in eo cumprimis Themate, eos ipsos ut periclitetur, sit convenientissimum, quod & vitæ suæ conditio, ac status ab eo exigit, & in quo antea expertus eas est ipse: Hinc & mihi in experimentalis Medica praxi hætenus desudanti, publico eligendo Themate, quo, prosummis in Arte Medica Honoribus ac Privilegiis virium ingenii mei experimentum caperem, in alienum non fuit transeundum campum, cum & hæc ipsa meæ Vitæ conditio, uberrimam mihi messem atque materiam suppeditet, Artis Medicæ experimentalis practicæ Præminentiam, cum docendi, tum muniendi ac defendendi, quod ipsum dissertatione sequen-



te quam compendiose fieri potuit, efficere constitui.

Et cum consummata Thematis hujus explanatio ingenii mei longius excedat vires, adeoque nec expectari à tenuitate mea possit, nec concessi temporis, & destinati spatii ratio, talem nunc permittat: summaria saltem descriptione, rudique & crassa (ut ajunt) Minerva, styloque plane simplici rem proponam, uberiores ejus explicationem ac probationem commodiori occasione relinquens.

Ne autem extra omnem procedam methodum, integrum in V. capita dispescam Argumentum, quorum *primum* Tituli veritatem, *Experimentalem nimirum Medicinam Practicam esse unicè veram atque probatam*, cum ex vocum significatione, tum ex Medicinæ objecto, Artisquæ fundamento, docebit. *Secundum*, ex Medicæ artis causis. *Tertium*, ex ipsius mediis, remediis, requisitis atque effectu. *Quartum* ex ipsius partibus. *Quintum* ex ejus speciebus in genere, cum primis Medicina Naturali. De Medicina Divina & Satanica jam nihil addemus, quum neque locus, neque tempus permittat.

Deum autem T. O. M. supplicissimis, ardentissimisque imploro suppliciis, ut, in sanctissimi sui Nominis gloriam, proximique salutem, conatus nostros dirigere, eosque clementissime secundare velit.

## CAPUT PRIMUM.

*De vocum significatione, & Artis Medicæ objecto ac fundamento.*

§. I. **M**edicinæ vox, sive à græco verbo *μεδέειν*, *curare*, sive latino *mederi*, originem trahat, (quæ vocum significationes *actionem* operosam & facultatem agendi notant, quælibet autem facultas agendi praxin:) nihil aliud innuit quam facultatem sive Artem, in corporis humani sanitate conservanda & restituenda, occupatam, & vox *Experimentalis* derivatur ab *experiri*, quod vocabulum compositum est ex præpositione *ex*, *per*, & verbo *ire*. quod itaque idem est ac rem pereundo penitus aspicere, & ejus naturam, vires & effectus perscrutari, quod Germani accurate exprimunt *erschahren* quod idem est ac *einsahrent* etiam *empfinden* & *untersuchen*: Quæ voces sensuum operationem innuunt, sicque hæc notitia, quæ experientia acquiritur, probabili conjecturæ & notitiæ aliquali incertæ opponitur.

Si quis verò experientiæ vocabulum derivet ab obsoleto *Perior* & hoc iterum.



iterum à Græco πειγᾶν *tentare, conari*, cum eo non altercabor.

Vocabulum autem *Practica* à græco πράξις & hoc à πράττω *facio* deduci, neminem fugit.

Hinc vel ipsius vocis *Medicinæ* significatio, vis ac natura & usus patent, & constare potest eam scil. esse facultatem sive Artem operosam practicam, quæ, Ex-per-itione activa practica, cum corporis humani, verarum ac genuinarum causarum morborum, tum totius naturæ, & virtutum medicamentorum, verum ac genuinum fundamentum indicare, atque super illo fundamento felicem medicamentorum applicationem, cum felicissimo successu ædificare potest: adeoque Medicinam nullam existere absque experientia, experientiam autem nullam esse aut fingi posse sine crebra, eaque continua, praxi.

§. 2. Præcedentis paragraphi veritatem neminem itaque in dubium facile vocaturum esse confido, nisi eum qui contra communem omnium consensum inficias ire velit, *experientiam* non modo stultorum, sed & omnium sapientum, prudentum, doctorumque, quin imo & brutorum universam esse Magistram. Cui etiam consentit antiquissimum proverbium. *Experto crede Ruperto.*

§. 3. Cum primis Artem Medicam nec esse, nec posse esse, nisi solam experimentalem practicam, etiam inde liquet, quod tota Medicina, quanta quanta est, per meram experientiam sit, inventa & exculta, ac in principiorum regularumque certitudine sola experientia probata, & quod nulum alium effectum nisi practicum intendat, & meram experientiam supponat, atque in eo versetur, ut cum in Macrocosmo, seu universa natura, tum imprimis in Microcosmo seu natura humana experiatur:

*Quicquid & ars valeat, valeat quid & ipsa Natura.*

§. 4. Quod autem Medicina, (uti paragrapho præcedenti diximus:) experientia sola sit exculta, inventa ac stabilita, probatur exinde quod de rebus non experientia, sed nuda speculatione, conjectura, & ratiocinatione inventis, perpetua inter eruditos sit lis. De illis autem, quæ solida experientia stabilita & comprobata sunt, non ita.

§. 5. Ut porro experientiam probem unicam esse veram medendi methodum, dico, quod experientia non fallat, ratiocinium autem sæpissimè. Quod autem E. gr. medicamentum aliquod, in aliquo salubre expertum, in altero aliquando non succedat, illud est ab errore ratiocinii, non experientiæ.



§. 6. Clarius id ipsum elucescit ex Medicinæ universali ac particulari fundamento, in quo Medica Ars est ædificata, quod corporis humani virium ac spirituum homogeneorum, ipsique naturæ convenientium, conservatio, introductio, & restitutio est, expulsiis heterogeneis, virtute fortiori ipsis contraria, quod sine intima perscrutatione naturæ, totius Macrocosmi, & regni astralis, tum mineralis & animalis; quin & mentalis, quam Microcosmi, naturæ humanæ, fieri omnino nequit; Illa autem perscrutatio absque experimentalis intuitione ac operatione esse non potest, ut infra ex Cap. III. de mediis & remediis, liquebit.

## CAPUT SECUNDUM.

### *De Medice Artis Causis.*

§. 1. **M**edicam Artem solam experimentalem practicam unicè veram atque probatam esse ex eo quoque apparet, quod CAUSAM EFFICIENTEM, UNIVERSALEM, PRINCIPALEM & ESSENTIALEM agnoscat omnino nullam aliam præter Deum & Sapientiam æternam, cujus solius lumine, illuminatione ac patefactione, intimiora, cum Macrocosmi, seu naturæ universæ, tum Microcosmi, seu naturæ humanæ, innotescunt, neque absque illa innotescere possunt, qua de causa Regum sapientissimi Salomonis, cognitio Physica ac experimentalis Medica huic ipsi Sapientiæ Essentiali æternæ, tanquam verus ac genuinus effectus tribuitur, quando de ipso narratur 1 Reg. iv. v. 33. *Loquebatur de arboribus, Cedro in Libano, usque ad hyssopum egredientem de pariete. Etiam loquebatur de animalibus brutis, de avibus, reptilibus & piscibus. Quæ Cognitio ipsi etiam adscribitur Libr. Sap. Cap. vii. v. 17. & seqq. Ille mihi dedit notitiam certam omnium rerum, ut sciam quomodo mundus sit formatus, & vim Elementorum, temporum initium, finem atque medium, quomodo dies crescat ac decreseat, anni tempora varientur, & quomodo annus revolvatur, quomodo stellæ sint fixæ, naturam brutorum, ac feracitatem ferarum, ventorum motus, quid homines in mente foveant, varias plantarum species, & radicum virtutes. Innotescunt mihi omnia arcana & occulta, NAM SAPIENTIA, OMNIUM MAGISTRA EA ME DOCET &c.* Hæc autem à Sapientia divina nullis aliis manifestantur, nisi Deum verè timentibus, id quod & antiquiores Medicos, veræ pietati studentes, eo induxit, ut Sapientiæ huic æternæ, hunc



hunc in finem totos sese mancipient, ac in ea sola cum assidua sua praxi omnem operam ponerent, omnemque universæ naturæ patefactionem experimentalem sincerè & anhelantes ab ea ipsa expectarent; suosque sic discipulos ac successores in eum pietatis tramitem ad consequendam notitiam experimentalem Medicam, inducerent, quales fuere Medici Ægyptiaci, in arcanis Sapientiæ æternæ, & cumprimis Arte Medica, una cum aliis Principibus, Proceribus Regis Pharaonis à Josepho instructi, à quibus principia ipsorum Physica atque Medica, longa temporis serie, ad alias gentes sunt propagata, quod & Rex David innuere videtur Psalm. cv. v. 21. 22. Conf. Genes. L. 11. Actor. vii. 22.

§. 2. Porro probat illud ipsum CAUSA MEDICA FORMALIS, quæ sanitatis, ut constat, & conservandæ & perditæ restituendæ scientia atque facultas est, quæ cum habitus sit Practicus, genuina, homogenea atque vera præscribendi & sanitatis media ac remedia, quæ spiritus atque vires sunt humano corpori homogeneæ, genuinæ, congruæ ac convenientes, quibus, expulsis ex ipso heterogeneis & disconvenientibus, conservandis, restituendis, & invehendis, ars Medica est occupata, idque, cum præscribendo diætam, tum iis administrandis & ordinandis, hæc autem sufficientem, cum habitudinis, status ac conditionis, & specifi- & individualis, corporis & naturæ humanæ in specie, & hujus vel illius individui, seu personæ, tum totius naturæ ac virium naturalium, cognitionem, eaque hujus accuratissimam scrutationem requirant: Quis non videt, hæc omnia mera esse practica & experimentalia, quæ ideo etiam propria experientia, continuaque praxi optime discantur?

§. 3. Apparet id quoque ex medendi artis *Causa Materiali*, quæ universa Natura Macrocosmi & Microcosmi cum sit, ex qua cum ad discussionem, præcipitationem & ejectionem spirituum & virium corpori humano, non solum specifico, sed & individuali, huicque personæ præ altera, heterogeneorum ac disconvenientium, tum ad conservationem, restitutionem & invectionem virium & spirituum homogeneorum ac convenientium, imprimis Archæi confortationem, debita atque optima depromi debent, hæc omnia atque singula verò accuratissimam totius Macrocosmi & Microcosmi, horumque arcanorum requirunt perscrutationem, & cognitionem realem atque essentialem, quod pariter non aliter ac mediante experientia continuaque Praxi, mediantibusque experimentis Physicis, Astronomicis, Chymicis atque Mechanicis fit, ac peri potest, res ipsa docet, medendi artem totam esse experimentalem



rimentalem Practicam, eamque unicè veram atque probatam.

§. 4. Non minus illud ipsum evincit *Artis Medicae causa finalis*, quæ post gloriam Dei T. O. M. ipsa corporis humani continua est sanitas, ope artis hujus pretiosissimæ conservanda, vel restituenda, cum perpetua agilitate, alacritate, & promptitudine, actiones sibi & proximo necessarias & conducibiles, in eorum salutem, deque gloriam exercendi, qui finis, quæque sanitas, tanquam effectus Medicinæ Practicus, cum non nisi ipsa praxi obtineri, nec absque praxi experimentali cognosci & dignosci queat, quis dubitet eam totam esse experimentalem atque Practicam?

### CAPUT TERTIUM

*De Medicae artis remediis, requisitis & effecta.*

§. 1. **D**emonstrant etiam id ipsum *Media*, cum ad excolendam, tum ad exercendam Artem hanc pretiosissimam requisita & necessaria. *Media* illa sunt primò *Physica*, cum *Astronomia experimentalis* conjuncta, ad naturæ universæ arcana investiganda, & stellarum cursus atque influxus in inferiora cognoscendos, ut & effectus, operationes, motum & quietem rerum naturæ, inde pendentes. Cumprimis affinitatem Macrocosmi & Microcosmi harmonicam, stellarumque convenientiam cum mineralibus, vegetabilibus & animalibus, earumque influxum, non modo ad inferiora perpetuum universalem, sed & genericum, specificum, individualement & singularem, cuivis rei proprium & homogeneum, cum consensu & Magnetismo naturali reciproco. *Secundo* *Metaphysica*, ad accuratiorem regni cumprimis Mentalis cum animali convenientiæ & disconvenientiæ, spirituumque incorporeorum, lucis ac tenebrarum, homogeneorum ac heterogeneorum, cum corporeis diversæ naturæ, motus, quietis &c. notitiam, quoniam ab ipsorum diverso motu, agitatione, actione, illuminatione & turbatione affectus hominis naturales, præternaturales, contranaturales atque supernaturales, exque iis ipsis corporis humani diversus sanitatis & morborum statue, non solum ut plurimum & magna ex parte, sed maximè & fere unice dependent. *Tertium* *Anatomia*, quæ structuram humani corporis internam, ac externam, viscerum, vasorum, membranarum & nervorum &c. nexum, combinationem, affinitatem harmonicam, consensum,



sum, vias universales & particulares alimentorum, sanguinis, excretorum, atque aëris perpetuumque spirituum & succorum vitalium circulationem, ad oculum demonstrat. *Quartum* Chymia, quæ, cum dissolvendis & purificandis corporibus, mineralium, vegetabilium & animalium; tum sublimandis, abstrahendis, extrahendis & rectificandis spiritibus & salibus ex iis, extractorumque reduntione, combinatione & fixatione cum corporibus purificatis sibi homogeneis est occupata, in eorum rectificationem usumque practicum; quæ omnia & singula media, cum perpetuam experimentalem praxin exposcant, quis inficias ire audeat, Medendi Artem totam esse Experimentalem atque Practicam?

§. 2. Præter hæc, ad excolendam Medicam Artem, *media*, requisita quoque eandem ac æqualem Experimentalem Praxin omnino exigunt. Remedia nempe, sive sint præservantia, sive corrigentia, adstringentia, emollientia, præcipitantia, purgantia, diuretica, diaphoretica, aperientia, discutientia, confortantia, sive interna, sive externa alia, cum primis cum hæc omnia & singula peculiarem selectum, singularemque sollicitudinem in eorum applicatione exposcant.

§. 3. *In administrandis & distribuendis mediis atque remediis* autem requiritur eorum selectus, judicium, (non quidem conjecturale, verum experientia suffultum) huncque in finem afflictorum, ægrotantium & proxime restitutorum creberrima visitatio, eorundemque status & conditionis, non modo generalis, sed specialis, in minutissimis quoque accuratissima perscrutatio atque probatio. Anne hæc itaque non sunt mera Practica?

§. 4. Et quæso unde fit, quod sæpe tam frustra tentetur curatio aliqujus morbi, cæteroquin curatu facilis & parum maligni. Nonne ex defectu Experientiæ & quod magis fidatur fictæ hypothefi, quam duci Experientiæ? E. gr. de febribus sententia & hypothefes sunt fere innumeræ, & quisque secundum causas à se præsuppositas curationem dirigit, verum à scopo aberrat, donec tandem Experientia duce ad felicem curationem perveniat, & sic ratiocinium dudum hæsitans, experientia confirmetur.

§. 5. Effectus itaque remediorum optatus, qui est sanitatis restitutio, satis etiam probat Thema nostrum toties repetitum.



## CAPUT QUARTUM

*De Artis Medicæ partibus.*

§. 1. **E**x ipsis etiam Medicinæ partibus, Theseos veritatem probabimus, quamvis prima fronte illa divisio ac definitiones sententiæ nostræ potius videantur adversari, dum multa sunt Theoretica in illis definitionibus. Verum quatenus omnis Theoria praxin unicè intendit, ideo vicissim praxis Theoriam supponit, tanquam adminiculum; Et quia Tyrones Medicæ Artis ideo prius fiunt Theoretici, ut postmodum evadant Practici, æquum est Medicinam vocari Artem Practicam. Partium autem istarum Medicinæ vulgo quinque numerari constat, *Physiologiam* nempe, considerantem statum hominis naturalem sive sanum, ejusque causas & effecta: *Pathologiam*, quæ statum *præternaturalem* id est morbos, morborum causas, & symptomata: *Semeioticen*, quæ signa morborum vel sanitatis: *Hygieinen*, quæ sanitatis conservationem: Ac *Therapeuticen*, quæ sanitatem restituendam, intendit.

§. 2. Ut clarius detegatur qua Ratione Theoretica Medicinæ pars (licebit enim hac voce *Theoretica*, absque contradictione sententiæ positæ uti,) ad Praxin spectet, dico: quod Ex. gr. in Physiologia status sanitatis ideo consideretur, ut scire possimus quando status non amplius sit sanus, sed quando morbosus? Et quando itaque remedia postulet, quando non? At videor mihi audire objicientes; *non opus esse cognitione status naturalis humanæ statuæ, ad sciendum, utrum remedia exposcantur nec ne?* quum quisque satis sentiat, quando sit æger, aut quando non; cui respondeo, hoc quemvis scire non posse, quia dantur affectus absque dolore, auxilium tamen Medicum requirentes; Et quoniam homo, statum verum naturalem corporis ignorans, solum ex dolore & incommodo sensibili judicat se morbo laborare. Medicus verò gnarus non ita. Ergo ista Theoria cum Praxi ita connexa est, ut in praxin abeat, ac veritatur, ipsiusque nomen induat, proprium fere nomen amittendo.

§. 3. Cum primis autem partem Medicinæ ultimam esse Practicam, & clinica praxi addisci, docet inter alios B. Dn. D. *Wedelius*, præfatione ad *Guerneri Rolfinckii* Epitomen Methodi cognoscendi & curandi particulares corporis affectus lit. a. 3. inquires. *Ducendo ad lectum aegrotorum ipsos Philiatros, & quomodo se circa unumquemque affectum gerere debeant, pro circumstantiarum varietate edocendo*, melius quam regulis Theoreticis hau-

riri.



riri posse, atque debere. Quod ipsum & res & experientia ipsa adeo docent, ut antiqua cantilenæ: *In cathedra omnes sanantur Morbi*, notam scribere, ac ipsæ Experientiæ tot myriadam ægrotantium contradicere velle mihi videatur, veritatem perfractæ velle negare.

## C A P U T Q U I N T U M.

*De Medicæ artis speciebus generatim, & congenita speciatim.*

§. 1. **S**pecies Medicæ artis ponimus tres, jam cap. 1. indicatas, verum brevitas causa unam tantum, nempe *Naturalem* proponemus, & veritatem Thematis ex ea deducemus. Est ea scientia medendi; facultate naturali instinctu naturæ data; quæ etsi in tantum, quantum in mera scientia consistat, sit imperfecta, manca & mutila, donec praxis ipsi jungatur, tamen videmus eam notitiam Naturalem, Praxin & experientiam quam maxime anhelare, & sic docere solam Experientiam Practicam esse Medicorum Magistram. Eodem modo ut alia ratione excogitata eo usque dubiè fluctuant, donec ipsorum veritas Experientia vel Experimentis confirmetur.

§. 2. Hanc scientiam naturalem (quæ sc. Spiritus interni, vulgo *Archei* dicti, ope, suggestione ac instinctu hauritur) indigitare videtur Syrac. cap. xxxvi, 31. 32. *Mi fili proba, quæ corpori Tuo salubria sint, quæque insalubria; hac non da ipsi &c.* Quem spiritum naturalem etiam Apostolus Paulus notat de eo ipso quærens. 1. Cor. 11. 5. 11. *Quis hominum scit, quid in hominē sit? nisi Spiritus hominis, qui in eo est.* Quod etiam statim de spiritu mundano seu astrali explicat, spiritum divinum ipsi opponens. Quæ Medicinæ aliqualis cognitio innata etiam brutis communis est. Videmus enim feras sibi ex herbis Medicinam quærere, quando molestiam in corpore sentiunt. Imo & in canibus gramen depascentibus (quod cæteroquin etiamsi præberes ipsis, non solent devorare) hoc ipsum fere quotidie experimur. Hæc natura dona veteres sapientes, & ex illis magnum illud Teutonicæ eruditionis lumen, Kiloniensisque Holsatiæ Academiæ jubar *Georgius Morhofius* in suo Polyhistore, occasione Festi Pentecostis, sub Titulo de eo quod *in omnibus disciplinis, scientiis atque artibus Θεῶν est, excursus, τὸ Θεῶν naturale*, in omnibus Artibus congenitum vocarunt.

§. 3. Post hanc congenitam, vel omnibus communem, vel aliquibus tantum propriam, datur aliā *Acquisita*, qua prior illa ulterius excolitur,



& perfectior redditur ; Modus autem illam acquirendi sunt varii , vel enim jure hæreditario, à Proavis, Avis, Parentibus, Avunculis, Patruis, &c. aliisque personis honestis & fide dignis ac expertis traditur & propagatur, (qualis olim fuit Medicina, antequam in facultatem peculiarem, qua auctoritate publica constituuntur Medici, secessit) vel etiam acquiritur propriis studiis, industria & adjunctione Experientiæ jam ab aliis comprobatæ. Sicque iterum mera Praxis est Ars nostra.

§. 4. Eaque acquisita rursus est vel *Empirica vera*, qua cæteroquin honesti Viri Mediente Arte Chemica, Pharmacopœa, Chirurgia, Anatomia, & lectione auctorum bonorum, sive vernacula, sive alia lingua conscriptorum, sibi scientiam & praxin Medicam comparant, sicque benedictione divina felicissimè sæpe gravissimos & extraordinarios Morbos curant; Vel *Empirica falsa*, cum sine omni, aut sufficienti praxi experimentali ac rationali, dolis malis ac fraudibus, avaritia inducti deceptores pessimi, uno atque altero Medicamine domestico, vel arcano ex certi aut incerti Auctoris scripto compilato, aliqualem sibi Medicamentorum speciem procurant, ac postmodum annexis plurimis aliis Medicamentis falsis & fictitiis plebem credulam decipiunt, & loco Medicaminum salubrium non modo fallimenta, & res ad rem non facientes, sed & plane nocivas, sæpenumero vendunt. Sic itaque Dissertationis filum abrumpentes. Deum T. O. M. imploramus ut conatibus nostris benedicere, eoque dirigere velit, ut in ejus gloriam, proximique salutem omnia facebant.

### C O R O L L A R I A.

- I. *Dantur Morbi, in quibus remedia non dare satius est, quam dare.*
- II. *Mallem nullum, quam anceps dare remedium, (nisi forte certo certius constet hominem mori debere.)*
- III. *Datur specificum omnes febres intermittentes curans.*
- IV. *Lienis usus est hepar in secretionem bilis adjuvare.*
- V. *Bilis excretionem fecum alvinarum promovet.*
- VI. *Vulnera cerebri quamvis profunda (saltem in brutis) non sunt lethalia.*
- VII. *Vulnera intestinorum crassorum non omnino lethalia, tenuiorum verò magis.*
- VIII. *Pulmonis dilatatio & constrictio est passiva.*

F I N I S.